

254. A? MICRACANTHA (Desv. Journ. bot. 1814. 1. p. 69) aculeis stipularibus tenuissimis, foliis bipinnatis pubescentibus, foliolis linearibus subfalcatis tenuissimis, floribus spicato-capitatis, pedunculis brevibus. ζ in Cayennâ Mimosa semispinosa Linn? ex Desv. Cæt. ign.
- *** *Spinis aculeisve omnibus sparsis aut aliis stipularibus, aliis in petiolis ramisque sparsis.*
255. A? RHODACANTHA (Desf. cat. hort. par. ed. 2. p. 208) glabra, aculeis stipularibus binis, petiolaribus sparsis, foliolis bipinnatis, pinnis 7-jugis, inferioribus minoribus, foliolis 8-20-jugis oblongo-linearibus subciliatis, glandulâ depressâ ad basin petioli. ζ Patria flor. et legum. ign. Mim. rhodacantha Pers. ench. 2. p. 266. (v. s. sine flor. et fruct.)
256. A. HETERACANTHA (Burch. cat. n. 1710. ex itin. 1. p. 389) spinis aliis geminis brevissimis recurvis fuscis, aliis rectis pluries longioribus albis, foliis bipinnatis ramulisque pubescentibus, pinnis 4-6-jugis, foliolis 10-14-jugis approximatis oblongis. ζ ad Cap B.-Spei propè fl. Gariep. Legumen lineare sed flores non descripti.
257. A. BANCROFTIANA (Bert! in herb. Balb. Colla hort. ripul. p. 1) glabra, aculeis rameis sparsis, petiolaribus ad pinnarum originem geminis, foliis bipinnatis, pinnis foliisque 2-5-jugis, foliolis obovatis obtusissimis, petiolis eglandulosis. ζ in Jamaicâ. Habitu paulò accedit ad A. platylobam. Flor. ign. Fructus ovato-oblongus glaber subcarnosus oligospermus sessilis. (v. s. sine flor. et fruct.)
258. A? POLYCEPHALA, aculeis rameis petiolaribusque sparsis subuncinatis, foliis bipinnatis, pinnis 6-9-jugis, foliis 20-jugis linearibus acutis, subtus et margine puberulis, glandulâ magnâ depressâ ad basin petioli et inter pinnas extremas, petiolis ramis pedunculisque velutino-hirtis, capitulis plurimis pedunculatis fasciculatis in racemos terminales dispositis. ζ in insul. Mauritanis. Capitula glohosa, antè flor. fusco-rubentia. Stamina ∞ alba. Legum. ign. Paululùm accedit ad A. concinnam. Stipulæ nullæ. (v. s. sine fruct.)

Subordo IV. CÆSALPINIÆ R. *Brown gen. rem. p. 19. cong. p. 10.*
DC. leg. mem. XIII. — Lomentacearum et Papilionacearum *gen.*
Linn. — Rectembriæ Cassiæ et Cerceæ *Bronn.*

Flores plus minùs irregulares, nunc papilionacei nunc sæpiùs subrosacei. Petala per æstivationem irregulariter imbricata nec valvata, interdùm nulla, nunquàm inter se coalita. Stamina plus minùs inæqualia, semper perigyna, sæpiùs libera, rariùs filamentis concreta (in Geoffræis). Embryonis recti plumula sæpiùs conspicua magna.

Trib. IX. GEOFFRÆÆ DC. *leg. mem. XIII.*

Petala perigyna inæqualia in corollam papilionaceam aut subpapilionaceam disposita, per æstivationem imbricata. Stamina monadelphæ aut diadelphæ. Cotyledones subcarnosæ aut carnosæ aut oleosæ. Embryo rectus. — Tribus artificialis, in posterum forsàn disjungenda, attamen sedulò scrutanda in eo quod floribus perigynis papilionaceis et staminibus connexis ad Papilionaceas et embryo recto ad Cassiæas accedit. Genera quoad ordinationem habitu dubia et forsàn tribus 4 aut 5 distinctas formantia?